

Tinjauan Luar Negeri

sahaja usaha demi untuk menyatukan perpaduan umat Islam di dunia ini.

Dari situlah nanti kedudukan “kekusutan” Jerusalem bisa diselesaikan dengan cara yang setimpal. Jadi ini bukanlah masalah umat Arab sahaja malah ia merupakan masalah maruah umat Islam seluruhnya. Dan ianya juga menjadi satu tanggungjawab kepada setiap insan yang yang¹ menamakan dirinya Muslimin!

Menghantar Surat

Dalam satu rencana yang lain Tuan Inamullah Khan Setiausaha Agung Muktamar Islam itu menekankan dalam sepucuk suratnya kepada Majlis Tergempar Pertubuhan Bangsa-bangsa Bersatu. Yang mana isi kandungan surat itu adalah atas nama Muktamar Islam Sedunia yang beribu pejabat di Beirut. Antara lain isinya:

“Dari pandangan yang hakiki bahawa Israel telah tidak menghargai pendapat dunia kerana sikap agresifnya terus-menerus berjalan. Begitu juga tentang resolusi Jerusalem yang telah dikemukakan di Persidangan Bangsa-bangsa Bersatu itu langsung tidak dihormatinya.

Dewasa ini mereka masih menduduki, menguasai bandar tua Jerusalem “kesayangan umat Islam” yang mana ini terang-terang melanggar dan betul-betul mencabar terhadap undang-undang yang telah terkanun, supaya menghormati sebarang rumah ibadat untuk sebarang agama.

Bukan setakat itu sahaja mereka telah membuat sesuatu yang boleh

apa sahaja yang *contra* dengan Islam seperti tarian-tarian, minuman-minuman keras.

Mereka juga merosak-rosakkan harta-harta waqaf dan menghancurkan benda-benda juga kesan-kesan sejarah.

Apa yang betul-betul menganehkan ialah mereka langsung tidak menghormati pendapat-pendapat dunia. Bagi umat Islam apa yang mereka lakukan itu terang-terang telah mencerooboh hak mutlak umat Arab dan umat Islam seluruhnya.”

Seruan Rebut Semula

Secara serius Muktamar Islam Sedunia itu menyeru seluruh umat Islam di dunia ini sama ada peringkat kebangsaan atau di peringkat tempatan agar menubuhkan “Jawatankuasa Pertahanan Palestin” agar tercapailah cita-cita kita untuk mengambil semula kiblat pertama umat Islam “Masjid Al-Aqsa” yang sekarang berada dalam tangan Yahudi!

Muktamar itu juga mengharapkan agar rencana-rencana, tulisan-tulisan di akhbar-akhbar harian, majalah-majalah, risalah-risalah, perlu dimuatkan dan diterbitkan! Begitu juga ucapan-ucapan di radio dan televisyen malah tunjuk-tunjuk perasaan juga patut diadakan sebagai tanda kita mengutuk agresif Israel itu.

Pihak Muktamar itu sentiasa memberi kerjasama sama ada berbentuk fakta-fakta atau butir-butir lanjut demi untuk mencapai matlamat itu. Muktamar Islam Sedunia itu gembira sekali dan siap sedia untuk memberi sebarang koordinasinya walau di rantau mana sekalipun di dalam lingkaran dunia ini.

Akhirnya Muktamar Islam itu berseru kepada setiap umat Islam supaya bertindak, berusaha menurut kehendak-kehendak Islam demi untuk mengharumkan dan membuktikan bahawa Islam itu sesungguhnya benar dan baik!

Segala hubungan dengan muktamar itu bolehlah berpandukan alamat di bawah ini.

World Muslim Congress,

P.O. BOX 883,
BEIRUT.

atau

P.O. BOX 5080,
KERACHI 2,
PAKISTAN.

sudah siap

Siri Kesah

Tokoh2 Sejarah II

**RAHSIA
TERBUKA**

Harga 50 sen.

Pos 10 sen.

Siri Kesah

Tokoh2 Sejarah III

MENJINAKKAN

Harga 50 sen.

Pos 10 sen.

Pesan-lah kepada:

QALAM

8247, Jalan 225,

Petaling Jaya,

Selangor.

¹ Pengulangan perkataan yang.